

৬৯৫ কিলোমিটার সীমান্ত সড়ক নির্মাণ হবে

‘কক্সবাজার-বান্দরবান, রাঙ্গামাটি ও খাগড়াছড়ি সীমান্ত দিয়ে ৬৯৫ কিলোমিটার সীমান্ত সড়ক নির্মাণ করা হবে। ৩ হাজার ৩০২ কোটি টাকা ব্যয়ে দ্রুত সময়ের মধ্যে এ প্রকল্প বাস্তবায়নের পরিকল্পনা রয়েছে। এ সড়ক নির্মাণ হলে সীমান্তবর্তী বন্ধুপ্রতিম দেশগুলোর সঙ্গে চোরাচালান, মানবপাচার, মাদক ও অস্ত্রপাচার বন্ধে সীমান্তরক্ষী বাহিনী গুরুত্বপূর্ণ ভূমিকা রাখতে সক্ষম হবে। পাশাপাশি পর্যটন শিল্পের বিকাশ অনেক অবদান রাখবে।’ আজ শুক্রবার বেলা ১২টার দিকে কক্সবাজার-টেকনাফ মরিনড্রাইভ সড়কের ইনানীতে দুটি সেতু উদ্বোধন শেষে সড়ক পরিবহন ও সেতুমন্ত্রী ওবায়দুল কাদের সাংবাদিকদের এ কথা বলেন। মন্ত্রী বলেন, ‘এশিয়ান হাইওয়ের সঙ্গে বাংলাদেশ সংযুক্ত হচ্ছে শিগগিরেই। এর জন্য ঘুমধুমে ২ কিলোমিটার সড়ক নির্মাণে ৮৪ কোটি টাকা বরাদ্দ দেয়া হয়েছে। কাজ শুরু হবে মাস খানেকের মধ্যে।’এর আগে মন্ত্রী ইনানী বড় খাল ও ছোট্ট খালের উপর নির্মিত দুটি সেতুর উদ্বোধন করেন।